



**VRBIS HIEROSOLY-//m[a]e, Templiq[ue] in ea origo, &
ho//rum rursus excidium, profana-//tio, aliaeq[ue] uariae
fortuna**

Langen, Rudolf von

Coloniae, Jan. 1517

VD16 L 341

Quomodo mortuo Salomone, & ob eius peccatum regno diuiso, Rex
Aegypti Susach primus templum spoliando polluit, & quomodo a cæteris
scriptoribus idem rex Sesostris appellatur, ac de magnis eius rebus ...

[urn:nbn:de:hbz:466:1-71344](https://nbn-resolving.org/urn:nbn:de:hbz:466:1-71344)

ronymi & Eusebij supputationē. colligitur omne tēpus quatuor milium centum & quadraginta nouem annorū. A generali uero sub Noe diluuiō, mille nongentorū ac uigintiseptem annorū. A Moysē uero & egressu Israelis ex Aegypto quadringētorū octoginta annorū, ut regnorū liber tertius, diligentius relegēti testimonio esse poterit.

¶ Quomodo mortuo Salomone, & ob eius peccatum regno diuiso, Rex Aegypti Sufach primus templum spoliando polluit, & quomodo a ceteris scriptoribus idem rex Sesostris appellatur, ac de magnis eius rebus gestis.

¶ Caplm. III.



Ortuo deinde cum iam annos quadraginta foelicissime regnasset Salomone. oritur ob ingētia Salomonis in deum peccata, miserabilis ingēte Iudeorū seditio. Spreto em̄ a Roboam nato Salomonis seniorū consilio, lasciuientiumq; iuueniliter iuuenum sententiam sequuto, prepotens illud & populosum. bifariam diuiditur regnum, ita ut in Samaria decem tribubus regnaret Hieroboā, ab Aegypto reuersus quo confugerat, quia cum ei ab Achia propheta domini pauloante Salomonis mortem de regno decem tribuum esset prænunciatum, & ob id inflaretur superbia, hortaturq; ut deficeret a Salomone populum, ad pœnam perduellionis perquiri a rege iussus fuerat. Roboam autem Salomonis filius duabus tm̄ tribubus, Iudæ & Beniamin, quæ regnum Iuda dicebātur, in Hierosolymis regnauit, ubi & magna

pars Leuiticæ tribus permanebat. Porro Roboam de
 cem tribubus ob defectionem bellum moturus, cen-
 tum & octoginta milia lectissimorū contraxerat miliz
 tum, sed p̄ prophetam Semeiam a domino coercitus,
 arma iussus deposuit. Idem uero cum populo sibi sub-
 iecto, relicto ueri dei cultu, in externos peregrinosq̄
 gentiū mores degenerat, extructis passim idolorū al-
 taribus, in qbus thura sacrificantes, accenderunt. Eui-
 ratos insup̄ iuxta spurcissimū ritum, Berecynthiæ ma-
 tri deorū sacerdotes rex impius constituit. Quo factū
 est, ut quinto eius regni anno, potentissimū ea tempe-
 state Aegypti regem Sufach, dñs aduersus eū susci-
 taret, q̄ magno & numeroso exercitu Iudæam ingres-
 sus, contra Roboam dimicās, uictor ex arbitrio suo, ei-
 dem pacis leges imponit. Qui tamē post ic̄ta fœdera
 datāq̄ pacē hierosolymā ingressus, tēplum illd̄ splēdi-
 dum, domūq̄ regiam primus ex gētibus impie spoliās
 p̄fanauit. Thesauros templi & regiae domus, ac scuta
 aurea quæ immēsi rex Salomon pretij fecerat, diripi-
 ens. Hūc Sufach Plynius, Herodotus, & Lucanus cæ Plynius
 teriq̄ scriptores Sesostrim appellāt. Plynius em̄ in Se-
 xto natu. hist. dicit, eū conatū fuisse, nauigabilē alueū
 ex rubro mari in Nilū, pducere, q̄ pte ad Pelusiū decur-
 rit, septuaginta duorū miliū in uallo. Herodotus uero Herod̄
 lib. hist. ij. ait, De Sesostris Aegyptiorū rege se ml̄ta in
 ægypto a Vulcani sacerdotib⁹ mēorabilia audiuisse.
 Hūc. n. dicebāt primū lōgis nauibus ex Arabici maris
 sinu pfectū, rubri maris accolas in suā ptatē redegisse.
 Dein reuersū i ægyptū, coactōq̄ igētī exercitu, p̄ tras

perrexisse, omnesque gentes, ut in quibus incidere subegisse. In regionibus autem eorum, quos bellaces libertatisque studiosas reperit. Cippos statuebat inscriptos literis sui nominis, & patriæ, & quæ referrent ipsum illos uel subegisse. Quarum uero urbes sine uel resistentiæque cœpisset, his Cippos inscripsit his litteris, quas scripserat eis gentibus, quæ uiriles extiterant cum mulierum genitalibus. Planum facere uolens, illos nequaquam uirum
Herodotus les extitisse. Refert præterea eodem loco Herodotus, Phœnices, & Syros, qui sunt in Palæstina (Iudeos procul dubio significans) circūcisionem didicisse. Dicit namque Aegyptios, Colchos, & Aethiopes ab initio statim putanda circūcidere, quæ sane res ab Hebræis cum in Aegypto morarentur hi populi didicere. Tradunt hunc Sesostrim scriptores cæteri, ab Aegypto cum uictore exercitu ad Hispanos penetrasse, quod Lucanus decimo
Lucanus suæ Pharsalicæ innuit, dicens.

Venit ad occasum mundi que extrema Sesostris.

Et Pharios currus regum ceruicibus ægit.

Hoc est, in triumphantis modum captiuos reges duxit cathenatos, ante currus Pharios, id est Aegyptios, ut quasi currus triumphales trahere uiderentur. Hactenus de prima templi profanatione hæc dicta sint.

¶ De auersione Israelis a dei cultu, ad uitulos aureos, per Hieroboam regem. Et quomodo foeda colendi uitulos, penitus apud Iudæos ab Apis Aegyptiorum deo emanauit, quibus hic Apis fuerit multorum sententiæ, ac duarum tribuum & dimidiarum, in Assyrios translatione, institutioneque Olympiarum. ¶ Caplm. V.